

შპს უსაფრთხოების აკადემია

დამტკიცებულია:

კოლეჯის საბჭოს თავმჯდომარე:

დავით მაზმიშვილი

08/02/ 2024 წ.



კოლეჯის საბჭოს დებულება

თბილისი 2024



შპს უსაფრთხოების აკადემია

თარიღი	იანვარი 2024
თავი/მუხლი	1-7
გვერდი	2/4
რევიზია	0

კოლეჯის საბჭოს დებულება

მუხლი 1. ზოგადი დებულება

- 1.1. კოლეჯის შპს „უსაფრთხოების აკადემია“ (შემდგომში – კოლეჯი) საბჭო (შემდგომში – საბჭო) წარმოადგენს კოლეჯის უმაღლეს სათათბირო და გადაწყვეტილების მიმღებ ორგანოს.
- 1.2. საბჭო საქმიანობაში ხელმძღვანელობს საქართველოს კანონმდებლობით, კოლეჯის დებულებით და წინამდებარე დებულებით.

მუხლი 2. საბჭოს შემადგენლობა და უფლებამოსილება

2.1. საბჭოს შედგება შემდეგი წევრებისგან:

- 2.1.1. კოლეჯის დამფუძნებელი/ები;
- 2.1.2. კოლეჯის რექტორი;
- 2.1.3. ხარისხის უზრუნველყოფის სამსახურის უფროსი;
- 2.1.4. საგანმანათლებლო პროგრამის/ების ხელმძღვანელი/ები;
- 2.1.5. სტუდენტური თვითმმართველობის თავმჯდომარე;
- 2.1.6. საბჭოს სხვა მოწვეული საპატიო წევრი/ები.

2.2 კოლეჯის საბჭოს უფლებამოსილება:

2.2.1 შეიმუშავებს და ამტკიცებს კოლეჯის განვითარების ძირითად მიმართულებებს, სტრატეგიულ და სამოქმედო გეგმებს;

2.2.2 ამტკიცებს კოლეჯის სტრუქტურას, იღებს გადაწყვეტილებებს კოლეჯის სტრუქტურული ერთეულების შექმნის, რეორგანიზაციისა და ლიკვიდაციის, აგრეთვე – საგანმანათლებლო პროგრამების შექმნის, რეორგანიზაციის და ლიკვიდაციის თაობაზე;

2.2.3 აცხადებს თანამდებობის დასაკავებელ კონკურსს, ამტკიცებს კონკურსის პირობებს, წესს და საკონკურსო კომისიის შემადგენლობას, კომისიის რეკომენდაციის საფუძველზე იღებს გადაწყვეტილებას კონკურსის გამარჯვებულების თანამდებობაზე დანიშვნის შესახებ;

2.2.4 ამტკიცებს საგანმანათლებლო და კვლევით პროგრამებს;

2.2.5 ამტკიცებს კოლეჯის დებულებას, კოლეჯის შინაგანაწესს, კოლეჯის საბჭოს რეგლამენტს, ეთიკის კოდექსს, ხარისხის უზრუნველყოფის სამსახურის და კოლეჯის სტრუქტურული ერთეულების დებულებებს, მათი საქმიანობის მარეგულირებელ სხვა ნორმატიულ აქტებს, სასწავლო პროცესის რეგულირების წესს;

2.2.6 ხარისხის უზრუნველყოფის სამსახურის წარდგინებით ამტკიცებს საგანმანათლებლო პროცესის შეფასების წესს;

2.2.7 ირჩევს და ამტკიცებს კოლეჯის რექტორს.

	შპს უსაფრთხოების აკადემია	თარიღი	იანვარი 2024
	კოლეჯის საბჭოს დებულება	თავი/მუხლი	1-7
		გვერდი	3/4
		რევიზია	0

მუხლი 3. საბჭოს თავმჯდომარე

- 3.1. საბჭოს საქმიანობას წარმართავს საბჭოს თავმჯდომარე;
- 3.2. საბჭოს თავმჯდომარე ირჩევა სამი წლის ვადით;
- 3.3. საბჭოს თავმჯდომარედ ერთი და იგივე პირი შეიძლება ბელიმედ არჩეულ იქნას მხოლოდ ორჯერ;
- 3.4. საბჭოს თავმჯდომარის კანდიდატურა სახელდება საბჭოს შემადგენლობიდან საბჭოს წევრის/ების წარდგინების საფუძველზე;
- 3.5. საბჭოს თავმჯდომარე ირჩევა ღია კენჭისყრის წესით საბჭოს შემადგენლობის ხმათა უმრავლესობით.
- 3.6. საბჭოს თავმჯდომარე:
 - 3.6.1 უზრუნველყოფს საბჭოს ორგანიზაციულ საქმიანობას;
 - 3.6.2 იწვევს და თავმჯდომარეობს საბჭოს სხდომებს;
 - 3.6.3 საბჭოს სახელით ხელს აწერს შესაბამის დოკუმენტაციას.

მუხლი 4. საბჭოს მდივანი

- 4.1. საბჭოს საქმიანობის ორგანიზაციულ უზრუნველყოფას და საქმისწარმოებას ახორციელებს საბჭოს მდივანი;
- 4.2. საბჭოს მდივანი საბჭოს მიერ ირჩევა კოლეჯის საბჭოს შემადგენლობიდან;
- 4.3. საბჭოს მდივნის კანდიდატურას ასახელებს საბჭოს თავმჯდომარე;
- 4.4. საბჭოს მდივანი ირჩევა ღია კენჭისყრის წესით დამსწრე წევრთა უმრავლესობით.
- 4.5. საბჭოს მდივანი:
 - 4.5.1. უზრუნველყოფს საბჭოს სახელზე შემოსული განცხადებების, წერილების და დოკუმენტების აღრიცხვა-შენახვას;
 - 4.5.2. ამზადებს საბჭოს სხდომაზე განსახილველი საკითხების პროექტს და უზრუნველყოფს ინფორმაციის გავრცელებას;
 - 4.5.3. აწარმოებს და ხელს აწერს საბჭოს სხდომის ოქმს;
 - 4.5.4. აწარმოებს საბჭოს არქივს.

მუხლი 5. საბჭოს წევრის უფლებამოსილების შეწყვეტა.

- 5.1. საბჭოს წევრის უფლებამოსილების შეჩერების/შეწყვეტის თაობაზე გადაწყვეტილებას იღებს საბჭო.
- 5.2. შეჩერება/შეწყვეტასთან დაკავშირებული სამართლებრივი საკითხები წყდება მოქმედი კანონმდებლობის და კოლეჯის ნორმატიული აქტების საფუძველზე.



შპს უსაფრთხოების აკადემია

თარიღი	იანვარი 2024
თავი/მუხლი	1-7
გვერდი	4/4
რევიზია	0

კოლეჯის საბჭოს დებულება

მუხლი 6. საბჭოს სხდომების ჩატარების წესი.

- 6.1. საბჭოს სხდომები ტარდება საჭიროებისამებრ, ამასთან არანაკლებ წელიწადში ორი სხდომისა.
- 6.2. საბჭოს თავმჯდომარე სხდომას იწვევს საკუთარი ან საბჭოს წევრი/ების ინიციატივით.
- 6.3. საბჭოს სხდომა უფლებამოსილია, თუ მას ესწრება სრული შემადგენლობის ნახევარზე მეტი.
- 6.4. საბჭოზე გადაწყვეტილება მიიღება ღია კენჭისყრის წესით სხდომაზე დამსწრე წევრთა უმრავლესობით, ხმების თანაბრად განაწილების შემთხვევაში გადამწყვეტია საბჭოს თავმჯდომარის ხმა.
- 6.5. საბჭოს მოწვეული წევრები სარგებლობენ ხმის უფლებით.
- 6.6. საბჭოს წევრის უფლებამოსილების შეჩერების შემთხვევაში, საბჭოს გადაწყვეტილების მიღებისთვის აუცილებელი ხმების რაოდენობა იანგარიშება საბჭოს სიითი შემადგენლობიდან უფლებამოსილებაშეჩერებულ წევრთა რიცხვის გამოკლებით
- 6.7. დაინტერესებულ პირთა მხრიდან საბჭოს სხდომაზე დასწრების სურვილის შემთხვევაში, სხდომაზე ან მის ცალკეულ სექციაზე დაშვების თაობაზე გადაწყვეტილებას იღებს საბჭო.
- 6.8. საბჭოს სხდომის შესახებ ფორმდება ოქმი, რომელსაც ხელს აწერენ საბჭოს თავმჯდომარე და მდივანი.
- 6.9. საბჭოს სხდომების ოქმების შენახვას ახორციელებს საბჭოს მდივანი, არანაკლებ 3 წლის განმავლობაში, რის შემდეგ გადაეცემა კოლეჯის არქივს.

მუხლი 7. დებულებაში ცვლილებებისა და დამატებების შეგანა

დებულებაში ცვლილებებისა და დამატებების შეგანა ხორციელდება კოლეჯის სამოგადოების ინიციატივის კოლეჯის საბჭოს მხრიდან განხილვისა და დამტკიცების გზით.